

佛說阿彌陀經講記

顯明大師法集

傳持天台教觀第四十五代



顯明念大法師相

自序

國運、教運注定我的命運，生來孤苦，與佛有緣。十二歲出家，就讀哈爾濱極樂寺佛學養成所，民國二十年，時年十五歲，於營口楞嚴寺，禪定老和尚座下受具足戒。遂至寧波觀宗講寺親近寶靜法師，於觀宗寺弘法研究社畢業後，擔任輔講、主講。並於香港弘法精舍輔講任內，蒙寶公傳授天臺宗正法，為傳持天臺教觀第四十五代。余受觀宗法乳，得佛隴真傳，生平以教觀總持，說默蓄於二六時中。至於稍盡棉力，護國衛教等事，樂觀長老著『中國佛教近代史論集』——法侶評傳，稱『白山黑水一奇僧』，暨廣嚴法師撰，中國佛教會出版『高山仰止』，予以披露，當之有愧。

來到臺灣，先後於汐止慈航佛學院、中壢佛學院、南光女眾佛學院、三藏佛學院、東山佛學書院、法光寺佛學研習會、中華佛學院、菩提佛學院等教授佛學。現仍任臺北華嚴專宗學院、中國內學院、能仁佛學院、福嚴佛學院教席，暨妙清佛學院導師、主講。其間所講課業及在各大專院校佛學社部分講錄及開示等，由學員筆記，彙編十一種，計教觀綱宗講記、天臺四教儀要釋、始終心要略釋、楞伽經要解、勝鬘經要解、四十二章經要解，心經、彌陀經、盂蘭盆經等講記，大乘起信論義疏、八識規矩頌講記等，商予付印流通，藉報四恩。非屬著作，豈圖傳聞，願求不違心、不違生、不違佛耳。

四明觀宗講寺臺北別院顯明念法識 民國六十八年三月二十日

佛說阿彌陀經講記

——民國六十三年於臺北法光寺

概說

佛說阿彌陀經一卷，為淨土宗（蓮宗）三經一論之一，其二為佛說無量壽經二卷，佛說觀無量壽佛經一卷及天親之往生論一卷。無量壽經亦云大經，又名大阿彌陀經，為淨土之根本經，詳述彌陀出家弘道，國土莊嚴、攝化眾生等。所謂『廣陳依正，備載修持』。觀無量壽佛經又名十六觀經，主要述十六觀法（十六觀經，以觀佛相好為主，餘為陪襯，佛在頻婆娑羅王宮中，為韋提希夫人說觀彌陀身相及淨土相）。『一、日想觀（雜念不生），二、水想觀（如琉璃之淨），三、地想觀，四、寶樹觀，五、八德水觀，六、總想觀，七、華坐想觀，八、像想觀，九、佛真身想觀，十、觀音想觀，十一、大勢至想觀，十二、普想觀，十三、雜想觀，十四、上輩上生觀，十五、中輩中生觀，十六、下輩下生觀。』暨彌陀四十八大願。

阿彌陀經又名小彌陀經亦名小經，原名『稱讚不可思議功德一切諸佛所護念經』，為本師釋迦牟尼佛無問自說，十二部中屬無問自說部。有貳種譯本，一為姚秦鳩摩羅什大師譯（即今講說讀誦之本），一為唐玄奘大師譯，名『稱讚淨土佛攝受經』。述西方極樂世界之依正生活環境，及持名念佛等，計一千八百多字。無量壽經生西『唯除五逆』（警世莫犯），而觀經『許五逆得往生』（帶業往生）。五逆者弑父、弑母、弑阿羅漢、出佛身血、破和合僧，以其罪重，當墮無間地獄。彌陀經則云：『不可以少善根，福德因緣，得生彼國。』據觀無量壽經說有三福：1. 孝敬父母，奉事師長，慈心不殺，修十善業（身口意三業清淨）。2. 受持三皈，具足眾戒，不犯威儀（依教奉行，性遮莫犯）。3. 發菩提心，深信因果，讀誦大乘，勸進行者，不違安養人娑婆。當知求生西方非自了，以其環境好，壽命長，道業易辦故也，修此三福方為求生西方下手初門。

淨土宗有願門——四十八願，觀門——十六觀法。願廣觀深，理行——念佛卽念心，事行——持名兼眾德，統百行。事修有晉品之功，理行——心、佛、眾生一體。不知心佛眾生三無差別，故執禪謗淨土，卽謗佛謗心，也自謗禪也。小乘不信他方有淨土，更是坐井觀天，靈峯云：『以話頭爲奇特，佛號爲平常，棄如意珠玉，競取瓦磚可哀矣。』故知八萬法門中念佛第一，帶業往生，不分大小根，上下兼收，念者卽往生，不待根熟卽會歸實相，不經多劫得解脫，不修餘行得彼岸，不斷惑得往生，不值佛世得見佛，徑中徑，妙中妙，持名，觀像，觀想，實相等念佛，念到一心不亂處，所謂『中流兩岸不居』，自性彌陀唯心淨土，非小慧能爲。六祖云：『念念見性，常行平直，於彈指頃，便覩彌陀。』心慈悲卽念觀音（悲門），心喜捨卽念大勢至（智門），心能淨卽念釋迦，心平直卽念彌陀（悲智雙全），推倒人我之須彌，去除虛妄之鬼神，消滅愚痴之畜生，打破貪瞋之地獄。自性彌陀約理，事相彌陀修成。淨土宗創始於晉廬山慧遠大師。師賈姓，籍隸山西雁門，幼從舅遊洛陽，對六經老莊等書融會貫通，爲一代名儒，聞道安大師講般若若有悟而出家。苻堅信佛派兵攻襄陽，迎道安大師，遠公遂率徙行腳至江西廬山西林寺，得刺史桓伊爲造東林寺辦道，共修淨土者有一百三十人悉當代賢哲（計彭城劉遺民、豫章雷次宗、雁門周續之、新蔡畢穎之、南陽宗炳、張萊民、張秀碩等人）。繼遠公弘傳淨土者則有魏曇鸞、唐善導，及民國印光等諸大師。故參禪見性之歷代宗師，如永明、楚石等更具體而明顯的以淨土導人，致有『有禪有淨土，猶如戴角虎，無禪有淨土，萬修萬人去，有禪無淨土，十人九蹉路』等警語。

古師注疏頗多，如海東疏、幽溪圓中鈔、雲棲疏鈔、靈峯要解等。至於弘宗演教古今大德，莫不以淨土爲歸趣，尤以傳持天臺教觀歷代諸祖，皆以『行重淨土』爲指歸。今經雖單指持名，是崇簡去繁，倘不能一心不亂，仍屬無功，故云『三歲孩童也念得，八十老翁行不得』也。

佛說阿彌陀經

天臺釋經，先立五重玄義釋題。

一、釋名

諸經立題，不出人法喻的單三、複三、具足一，等七種，如大方廣佛華嚴經則具足人法喻；妙法蓮華經，法喻爲名題；菩薩瓔珞經，如來獅子吼經，人喻爲名題；文殊問般若經，人法爲名題；般若經，涅槃經，單法爲名題；梵網經，單喻爲名題；佛說阿彌陀經，以單人爲名題。

佛指娑婆教主，本師釋迦牟尼佛；彌陀，指極樂教主阿彌陀佛。兩土極果之人，五住皆斷，二死永盡，三覺圓，萬德備，釋迦讚彌陀，六方諸佛同出廣長舌相，并互稱釋迦，說是一切世間難信之法，是爲甚難。

具足應云佛陀，爲佛十號之一，含有六卽佛義，此云覺者，佛性本具，爲本覺理卽佛，聞解起行，爲始覺觀行卽佛，煩惱生死斷盡，菩提涅槃圓極，爲究竟覺的究竟卽佛，自覺異凡夫，覺他異二乘，覺滿異菩薩，眾人景仰爲歷史佛，不可思議爲理想佛，總之三身變化，位極無上，曰佛陀。

說者悅也，四辯（法、義、辭、樂）說法，四悉（世界、爲人、對治、第一義）攝生，如飲甘露，歡喜信受。五人說經（1.佛 2.菩薩 3.天 4.仙 5.化人），菩薩在因，天屬凡類，仙雜外道，化人非真，今至聖大覺，金口親宣，曰佛說。

阿彌陀，翻爲無量光壽，阿云無，彌陀云量，光壽均多的意思，又云『彼佛光明無量，照十方國，無所障礙』，又云『彼佛壽命及其人民，無量無邊阿僧祇劫』吾人念佛時，口念清晰（持名念），眼觀佛像（觀像念）與佛相應，卽是無量光義，也是用大，屬於卽理之智。一心不亂（觀想，實相念）卽是無量壽義，也是相大，屬於卽智之理，念至心佛眾生打成一片，無念而念，淨念相繼光壽不二，智理一如，屬於佛覺體大。

經爲通名，阿彌陀爲別名，有貫穿義（理事無礙），攝持義（攝一切法，持一切義），法常義（經義古今不變，萬劫常新）。又云契經（上契諸佛之理，下契眾生之機），有出生、顯示、湧泉、繩墨、結鬘等義。又經者徑也，爲到彼岸證菩提之路徑。初釋名竟。

二、顯體

釋名之後，必顯一經之體，所謂聞名不如見面，此經以實相（諸法實性相，卽一切法之真實相，究竟曉了）爲體，理極真實，故名實相。盡人性、盡物性、研礫事物之極處，則真理自顯，此眞如之理，無始終、無內外、無二相，卽是諸法實性相，諸佛證此，能光壽普被，雖乍說三乘，終歸一實，佛以實語說此經，故契理契機契自性。憶佛念佛，現前當來必定見佛。

三、明宗

凡經皆有其宗要，如爲人，必有其立身處世之經緯意志。此經以信願持名爲宗，信願行，爲求生西方淨土之三資糧，猶如貪瞋痴三毒，爲下地獄的本錢。

信佛法如大海，不度無緣人。信自心豎窮橫徧，信他則諸佛不我欺。信事，則十萬億土之外必有極樂界。信理，則一切唯心造，『心淨國土淨，心穢世界穢』，念佛得生，信果，定升蓮臺，願捨娑婆生極樂，不違安養入娑婆，『眾生度盡方證菩提，地獄不空誓不成佛』，從性起行以持名爲入手。是爲三資糧，缺一不可。

四、論用

瞭解一經宗要之後，必需知其力用，如人，爲士農工商定有其作用，此經以不退爲用，文云『皆是阿鞞跋致』（翻不退轉），淨土法門，爲橫超三界（如虫橫蛀竹筒，蛀一節卽出），比豎出生死者簡而捷，念佛一句，其蓮位已種，帶業往生，行門堅固，淨念相繼，畢竟不退。

五、判教

此經於方等時說，廣談四教，故以大乘生酥爲教相（五味喻五時教），別圓所攝，因藏通行人，不信願生他方。三根九品，往生歷然，爲別教義，極樂圓賅同居方便，實報，寂光等土，爲圓教攝。

姚秦三藏法師鳩摩羅什譯

東晉時，苻堅據陝西，國號秦，聞龜茲（新疆省庫車、沙亞兩縣之間）有羅什，深達法相，遣將呂光率兵七萬，破龜茲迎羅什至涼州（甘肅省之西涼）時，聞苻堅已爲部將姚萇所害，呂光遂據涼州稱三河王，國號涼。姚萇及子姚興均慕羅什，分別迎請皆未如願，呂光歿，其子呂隆立，姚興遂敗呂隆，始迎羅什入關，奉爲國師。

鳩摩羅什，中印度人，父名鳩摩羅琰，棄相位，遊龜茲，龜茲王以妹妻之，生羅什。師七歲時，隨母入寺見鐵鉢（今之銅磬）把玩頂之，及念其重，遂不能負荷，卽悟萬法唯心，後繼究三藏要旨，故冠以三藏法師之號，卽三藏法之師，如玄奘大師亦然。

梵語修多羅，華言契經，卽經藏，詮定學，爲阿難等所結集。梵語毘奈耶，華言調伏，卽律藏，詮戒學，爲優婆離等所結集。梵語阿毘達摩，華言對法，卽論藏，詮慧學，爲迦葉等所結集。梵文譯成華言，羅什爲七佛以來譯經之師。羅什於長安，集沙門僧肇、僧叡等八百餘人，翻譯經論三百九十餘卷，姚秦弘始十一年八月廿日逝於長安，在入滅前曾誓言，倘所譯經論不謬，焚身後舌不焦爛，後果驗。

如是我聞，一時佛在舍衛國，祇樹給孤獨園。

凡釋經皆依晉之道安（公元三一三—三八五年）所判，分序分、正宗分、流通分。至唐時由印傳入，親光所造佛心地論：『凡是佛法沒分大小部，皆悉是三分』，證之，始稱『彌天高判釋道安』。如此經之六種成就，暨常隨影響等眾，并別序彌陀極樂之名，皆爲序分。釋名義爲正宗分。至六方諸佛同讚勸信爲流通分。外道經首曰阿（無）優（有），爲揀邪，佛經皆曰『如是我聞』等六種成就。如是是一經之法體，不異名如，無非曰是，屬信成就，『諦觀法王法，法王法如是』。此經是如來親說，六方諸佛共讚，若誠信不疑，依教持名，決定往生，曰如是。

我聞，屬能聞成就，有揀擇息諍義，佛地論云：『如是之法，我昔曾

聞。』非臆見自作，佛言無我，今云我聞，據智論以三義釋之曰我，有主宰自動自發意，佛說之我，『天上天下唯我獨尊』，係指常樂我淨心中自在的我言。今1.隨世間2.破邪見3.不著『無我』。又經首曰如是我聞等係遵佛囑（以戒為師，以四念處為住，惡性比丘默擯，經首為如是我聞），阿難登座結集經藏時，眾疑佛重起（阿難相好如佛），疑阿難成佛，疑他方佛來，後經阿難首唱『如是我聞』，則眾疑釋，但佛成道曰阿難始出生，與羅睺羅同年。歷廿年後阿難出家，又十年方為侍者，而三十年前，佛所說經，阿難俱聞者，古答有四：1.輾轉聞2.佛重說3.阿難自通4.阿難為大權菩薩示現。約理說，我是心根，為諸根之主，存總廢別，曰我聞，倘大眾同聞更無過失。

一時，為時成就，因十方時分不一，兩土正朔不同，且時之長短，因心而異。此約心境泯，凡聖會，依正融，一多等，機教相扣之時也。佛，為教主成就，如前釋。在舍衛國祇樹給孤獨園，為說法處成就，并下大眾同聞之眾成就共六種成就。佛之法報應三身皆無所住，隨機感而應曰住曰在。舍衛，此云聞物（國豐四德），為中印度之大國。祇陀，此云戰勝，是波斯匿王與外國戰勝時而生，太子玩賞之花園，在舍衛城南門外距五里處，時須達多，此云樂施，又云給孤獨（無父曰孤，老而無子曰獨，幫助鰥寡孤獨之大慈善家），欲買此園建精舍，供佛說法修道之所，太子戲言，須金磚鋪地，給孤獨遂如所言照辦，祇陀受感動，則將園內林花施與，故曰祇樹給孤獨園。

與大比丘僧，千二百五十人俱，皆是大阿羅漢。眾所知識：長老舍利弗，摩訶目犍連，摩訶迦葉，摩訶迦旃延，摩訶俱絺羅，離婆多，周利槃陀伽，難陀，阿難陀，羅睺羅，憍梵波提，賓頭盧頗羅墮，迦留陀夷，摩訶劫賓那，薄拘羅，阿菟樓駄，如是等諸大弟子。

此文為聲聞、菩薩、天人等大眾同聞，屬眾成就。蓋一佛出世，諸聖輔化，此理甚明。先述聲聞眾，在因中修行曰比丘，在果位所證稱羅漢。

比丘具三義：1.乞士——即托鉢之意，藉以降伏慢心，憍心等障。下乞

食資身，上乞法生慧。2. 破惡——能破見思煩惱之惡。3. 怖魔——既出家已，攝心持戒，魔眷削弱。大者，含大、多、勝三義，比丘三業清淨，為人天敬仰故大，深明內外教典故多，善超魔外故勝，曰大比丘。僧者，梵語僧伽，此云和合眾，六和高尚之士（身和同住，口和無諍，意和同悅，戒和同修，見和同解，利和同均）。

實有壹千二百五十五人，為釋迦常隨眾，除鹿苑憍陳如等五比丘，餘皆先修外道，歸佛證真，計優樓頻螺迦葉，此翻木瓜林，以居木瓜林修道故，有五百徒眾，佛成道，度五比丘後，即至此降火毒龍，龍吐火，佛以三昧火降之，龍吐毒，佛入慈心三昧伏之。伽耶迦葉（居象頭山）有二百五十徒眾，那提迦葉（居希連河）有二百五十徒眾，三迦葉波兄弟三人皆為司火外道共一千弟子。在佛成道後三年中所度，再舍利弗，目犍連，共有徒眾二百人，再次耶舍長者子，率徒眾五十人，復有憍陳如等五比丘，共如上數。阿羅漢亦具三義：1. 應供（因為比丘乞士捨貪，果受人天供養）。2. 殺賊（因為比丘破見思之惡，果得殺煩惱之賊）。3. 無生（因為比丘怖魔，果證無生），羅漢有定性（保果不前）、慧性（回小向大），今為內秘外現，輔佛宏大，為眾所知的上首，故曰大阿羅漢眾所知識，又自性無漏為羅漢，自性不迷為知識。長者，德長臘老，年德俱尊（出家一年為一臘）。毘婆娑論：有德年上座，道德最高的；生年上座，年紀最大的。下列十六位大德，各佔一德，均稱第一，孔子曰：『車不可水，舟不可路，是器也。』但『君子不器』，君子具足多能，不滯一器，豈能謂顏閔無錢，游夏缺行，故舍利弗晏坐，目連欲起其定，竭盡神力，不能動其衣之一帶，故知舍利弗神通亦大。

舍利弗，此云身子，或舍利子，即鷲鷲『舍利』之子，智慧第一，表示解經唯智慧。摩訶目犍連，此云大采菽氏，神通第一，姓目連，名拘律陀——樹名，禱樹神而生，與舍利弗同為六師外道，相約先得解脫者互為見告，舍利弗遇馬勝比丘，為說因緣法出家，故引薦目連歸佛，為救母，專尚神通，佛昇忉利說法，毒龍阻路，目連化大身小身降之，琉璃王滅釋種，舉一城釋姓於梵天，外道移山，制之不動等神通。摩訶迦葉此云大飲光，頭陀行第一，又云大龜氏，名畢鉢羅——樹名，異三迦葉波，曰摩訶迦葉，宿世

爲冶金師，以金嚴佛，感世世身金色，吞餘光曰飲光。頭陀云抖擻，佛讚：『有頭陀苦行，我法久存。』有十二頭陀行：1.住阿蘭若（寂靜處），2.常乞食，3.次第乞，4.日中一食，5.節量食（不要吃太飽），6.過中不飲漿，7.糞掃衣，8.但三衣（五衣，七衣，大衣）9.塚間坐（作無常觀），10.樹下坐，11.露地坐，12.但坐不臥（打坐，不倒單）。迦葉現入滅盡定於雞足山，遵佛囑，俟彌勒出世傳衣。靈山會上傳佛心印爲第一祖。摩訶迦旃延，此云大文飾，論議第一，是南天竺婆羅門種。摩訶拘絺羅，此云大膝，答問第一，爲舍利弗娘舅，辯其姊（時懷舍利弗）不過，遊方苦行，不及剪指，十年後，舍利弗出家，詣佛所，欲帶舍利弗回家，與佛議論，自立不受爲宗，佛問，既曰不受，還受是見否？語窮，遂亦歸佛。離婆多，此云星宿，禱星宿而生，深行正定故，無倒亂第一。又云假和合，入定時，二鬼爭屍，悟身假有，因緣和合而生。周利槃陀伽，此云路邊生，周利是兄，槃陀是弟，連兄標名，義持第一，又云繼道，教半偈，數月不成誦，教『掃帚』二字，說掃忘筭，說筭忘掃，但開悟後，辯才無礙。難陀，此云喜，儀表第一，四月九日生，身長矮佛四指，爲佛異母胞弟。阿難陀，此云慶喜，多聞第一，白飯王子，佛成道日生，侍佛廿五年，文殊讚其『佛法如大海，流入阿難心』，請佛重說二十年所說之法，如來滅後，結集經藏，傳佛心印爲第二祖。羅睺羅，此云覆藏，密行第一，佛說『羅睺羅密行，唯我能知之』，耶輸陀羅被指腹懷妊，羅睺羅本阿修羅名，能以手障日月，爲釋尊在俗之子，因昔塞鼠穴六日，今受胎報六年。憍梵波提，此云牛呵，受天供第一，未隨佛受馬麥之報，昔輕視一無齒老僧，謂吃飯如牛呵，致得五百生作牛，雖證果仍有餘報，吃飯如牛呵，爲免被人謗，佛令常住天上應供。

賓頭盧頗羅墮，上三字爲不動義，下二字爲利根義，應末世供，福田第一，毘奈耶云：『樹提長者以旃檀鉢，置剎頂上曰，能取者卽與，尊者現通取鉢，被佛呵責，令不得入滅，留身久住，受末世供，爲大福田。』迦留陀夷，此云黑光，爲佛使者，教化第一，身黑而光，人見驚怕，曾將孕婦驚駭流產，佛禁弟子夜行。摩訶劫賓那，此云房宿，善觀星象，知星宿第一，禱二十八星中第四星宿而生。薄拘羅，此云善容，壽命第一，昔曾施病僧（聖

僧示現）一菓，食之病愈，故得五種不死（初生現異，母以為怪，火不能炮，水不能淹，湯不能煮，魚不能噬，刀不能割）又昔持不殺戒，九十劫壽不中天，今壽百六十歲。阿菟樓駄，此云無貪，天眼第一，昔饑世，以稷飯施辟支佛，故九十一劫，所求如意，好睡被佛呵『咄咄何為睡，螺螄蚌蛤類，一睡一千年，不開佛名字』，七晝夜眼不交睫，故失明，佛命修樂見照明金光三昧。以上十六大弟子，皆內秘菩薩行，外現聲聞相，常隨佛輔化。學在師後，解從師生，曰弟子。

并諸菩薩摩訶薩：文殊師利法王子，阿逸多菩薩，乾陀訶提菩薩，常精進菩薩，與如是等諸大菩薩。

此為六種成就中之菩薩眾成就。菩薩，具云菩提薩埵，正云大道心成就眾生，又云覺有情，以自覺覺他覺，為悲智雙運，上求下化者。菩薩摩訶薩，就是大菩薩，菩薩為大乘的象徵，聲聞緣覺為小乘的本質。文殊師利，此云妙德，又云妙吉祥，為七佛之師，過去龍種上尊王如來，現為北方寶積佛，舍利弗在聲聞中權智第一，文殊為菩薩中實智第一。法王子，佛為法王，於法得大自在，菩薩言行契證佛心為眞子，二乘量小，違佛本意曰庶子，凡夫懷珠沉淪，背覺合塵為外子。阿逸多，此云無能勝，為菩薩名，彌勒又云慈氏，姓也。梁武帝時，化傳大士，五代時托蹟浙江奉化為布袋和尚，現居兜率內院，候補釋迦成佛。乾陀訶提，此云不休息，曠劫修行不暫停。常精進，自他兼利，窮劫不倦。

及釋提桓因等，無量諸天大眾俱。

此為與淨土有緣，而參預法會之天人眾。釋提桓因，此云能作天主，十三天以忉利天為主，廣八萬由旬，中為善見城，迦葉佛時，一女人發心建塔，有卅二人助其成，報感此天，屬欲界地居頂天，四方各八天，中間喜見城天王住，俗稱玉皇大帝。無量諸天，指三界二十八天，大眾俱，泛指天龍八部人道等眾。

欲界有四王天，忉利天（地居）夜摩天——此云時分，兜率天——此云

知足（內院三災不及），化樂天——變化五欲自樂，他化自在天——所有欲境，他天所化（以上四天為空居）。欲界天有男女生育，食欲。色界有梵眾，梵輔，大梵（大梵天王為諸佛請法主，初禪以上無鼻舌二識，有火燒）；少光，無量光，光音（二禪以上無眼耳身三識，被水壞）；少淨，無量淨，徧淨（三禪有風災）；無雲，福生，廣果（修上品十善坐禪者住處），無想（外道所住滅六識中想心，定盡即墮）；無煩，無熱，善見，善現，色究竟（五淨居天，三果聖人住）。色界，色蘊勝，離欲清淨無女人，梵者淨也，以禪定為樂。無色界四天，空無邊處，識無邊處，無所有處，非想非非想處。身空識有而為生滅，滅色歸空，無色蘊，以心意識修禪。諸天又包括阿修羅道，有天福，無天德，身在福中不知福。男醜女端正，心懷嫉妬，以瞋恨心修功德——有相布施，好戰，與天爭權，天人鬼畜四趣皆有。人道，有富貴、貧賤、智愚、男女等相。

八部：1. 天——三界二十八天。2. 龍——畜類水屬之王，守天宮，注地雨，隱現自在。3. 夜叉——飛行空中之鬼，此云暴惡，守天城池門，飛空陸行皆速。4. 乾闥婆——帝釋天之俗樂神，此云香陰，不啖酒肉，唯香資身。5. 阿修羅——果報類天而非天，此云無酒，有美女而無酒，好嫉嗜戰，因中行施生瞋感此報。6. 迦樓羅——金翅鳥，兩翅相去有三百卅六萬里，攝龍為食。7. 緊那羅——為帝釋天奏法樂者，似人，頭上有角。8. 摩睺羅伽——大蟒神。天龍八部為佛外護，嫉惡如仇，如有侵害修行者，必為保護。小乘說經，多不列天龍八部，大乘法會，始有影響隨緣眾之菩薩，及天龍八部等眾。

爾時佛告長老舍利弗：從是西方，過十萬億佛土，有世界名曰極樂，其土有佛，號阿彌陀，今現在說法。

爾時指六種成就之時，言爾時，上必有緣起，故云『當彼時』也，通序證信，別序發起，十六觀經，因韋提傷子惡逆，厭濁求淨，以闍王母子為發起。壽經，因世尊容顏異常，阿難發問為發起。法華白毫放光，啓一乘之教為發起。維摩毗耶示疾，開不二之談為發起。此經為不問自說，故無發起，因極樂為九界眾生之真歸，二乘不了，六道無聞，故釋尊作不請之師，直告

舍利弗（智慧能了）。三千大千世界，為一佛所化之國土，四大部州，二輪日月，一須彌山，下自地獄，上自六欲天暨梵天，名一世界，積而成千曰小千，積成百萬曰中千，積成萬億曰大千。俱舍論：『四大州日月，須彌盧欲天，梵世各一千，名為小千界。』積此千倍再千倍，名大千，等於第四禪天，皆同一成壞，為一佛所化之土，從娑婆世界向西再過十萬億（十萬為億）個佛國土，非壇經所云十萬八千佛土，有世界名曰極樂，此云須摩提，又云安養，永遠快樂，不參雜任何痛苦，故云極樂，不是相對之樂，樂極生悲之有漏樂，極樂世界四土皆淨無穢（他方同居則有穢），非應化土，屬實報土，極樂含賅四土（凡聖同居，方便有餘，實報莊嚴，常寂光），阿彌陀亦非化身佛，如前釋。淨土思想，發源於印度，佛滅後六百年間，馬鳴造起信論：修行信心分，首倡『信佛，常念親近，供養恭敬』再修施戒忍進禪為助行。龍樹之十住毘婆論易行品，以修淨土為易行。天親之淨土論，更是具體標示淨土。中國則有晉慧遠之無量壽經義疏，觀經義記，魏曇鸞的淨土論註，陳隋智顛之觀經疏，彌陀經義記，唐道綽之安樂集。善導之觀經四帖疏，及懷感之羣疑論等，無論是西乾東土，本宗他教歷代諸祖，皆弘淨土，猶稱名念佛法門，自漢及唐迄今皆為人傳習，稱名雖為四種念佛之捷徑，須靠善根福德助行，尤須建立信心，華嚴云：『信為道源功德母，長養一切諸善根。』如為佛教忠實信徒，必能依教奉行，始終不渝，否則陽奉陰違，散心雜話，蹉跎歲月，驗之未真信正信，故未實行真修，所謂『餘門猶蟻子上高山，念佛若風帆揚於順水。』小乘事念，如阿含云：『心清淨故，眾生清淨。』大乘理念『心淨則土淨』，故觀經佛告韋提希：『阿彌陀佛去此不遠。』極樂是依報，彌陀為正報，故先舉彼國依報及教主之名，以為別序。

現在說法者釋迦應蹟八十年，現僅存像教，所謂『佛在世時我沉淪，今得人身佛滅度，懊惱自身多業障，不見如來金色身』。

彌陀為無量壽，故其說法，後後無盡，即補處觀音菩薩亦有無央數劫，勢至補觀音，更是無般泥洹時。以示清淨的佛國土是永遠不滅的，佛壽無量，佛法住世亦不可勝數也。

說法屬應報身，但有云三身齊說，經云：『報化非真佛，亦非說法者。』

如是當屬法身說法。總之三身圓具，隨機而說也。

舍利弗！彼土何故名為極樂？其國眾生，無有眾苦，但受諸樂，故名極樂。

此下為正宗分，正述經旨。

釋迦為實智，舍利弗為權智，權實相應，方生正信，啓宏願修圓行，故佛呼舍利弗，權為當機眾。十法界除佛界外，餘皆名眾生（眾處受生，眾緣和合而生）。苦樂為相對之法，有天壤之別，迷倒妄見為娑婆五濁之苦，心正無穢，感極樂絕對之樂。如以修觀斷惑，證果簡別四土苦樂，則見思輕重為同居土苦樂，體析巧拙為方便土苦樂，次第一心，為實報土苦樂，分證究竟為寂光土苦樂，菩薩無五欲牽掛，雖為輪王不為樂，悲憫為懷，雖地獄不以為苦，本性無淨染，故遠離苦樂相對之法。言苦有三：1. 苦苦，苦緣上所生之苦——欲界之苦。2. 壞苦，境界變壞時之苦，興盡悲來，樂極生悲——色界之苦。3. 行苦，一切有為法，無常遷動——無色界之苦。故云：欲界攝三，色界兼二，無色界唯行。極樂離欲清淨無苦苦，依正常然無壞苦，超過三界無行苦。又八苦者第一生苦——一念無明，生諸苦具。偈曰：『籠統乾坤一殼包，也無皮骨也無毛，老僧送你西天去，免在人間受一刀。』萬物在未識變前如蛋然，無苦境，既已成形，苦亦隨之而至，是故生為苦本。往生西方托質蓮華（蓮花入污泥而不染，根枝花葉皆淨）故無苦，寒暑不易即無老，身離分段故無病，壽命無量故無死，亦無父母妻子故無愛別離苦，諸上善人聚會一處，故無怨憎會苦，所欲自至，無求不得苦，觀法空寂，無五蘊熾盛苦，故名極樂。

又舍利弗！極樂國土七重欄楯，七重羅網，七重行樹，皆是四寶，周匝圍繞，是故彼國，名為極樂。

釋迦又深一層解說極樂，先廣陳西方依正，首述法性五塵勝境，欄網行樹表住處妙，故佛又呼舍利弗。橫曰欄，直曰楯，表自性縱橫。羅網，表心包一切。行樹表自性長養眾善。據大本彌陀經云道場樹即菩提樹，樹高十六

億由旬，四布葉枝八億由旬，金、銀、琉璃、玻璃四寶——表常樂我淨四德，七重——表七科道品。唯心淨土，自性彌陀，故極樂依正，皆吾心中表法，所謂心外無法也。盼淨土行者善爲思之。

又舍利弗！極樂國土，有七寶池，八功德水充滿其中，池底純以金沙布地，四邊階道，金、銀、琉璃、玻璃合成，上有樓閣，亦以金、銀、琉璃、玻璃、硨磲、赤珠、瑪瑙而嚴飾之。池中蓮花，大如車輪，青色青光，黃色黃光，赤色赤光，白色白光，微妙香潔。

又提醒舍利弗注意，寶池蓮花明生處妙，七寶池——表七聖財，信、進、戒、慚愧、聞、捨、慧，念佛者缺此，不能決生極樂。八功德水——表八正理水，水俱：澄、淨、甘、輕、潤、和、適、悅八功德，皆能隨心。金沙布地，異凡濁泥沙——表真如澈底不變。四邊有階梯平道——表本性平直。重樓屋閣——表性高遠。七寶嚴飾——表本性具諸功德。七寶者：1.金，梵語蘇筏羅。2.銀，梵語阿路巴。3.琉璃，青色寶。4.玻璃，水玉。5.硨磲，大貝。6.赤珠，云鉢摩羅伽。7.瑪瑙，云鉢摩羅伽隸。池中蓮花有車輪之大，各隨其色而放諸光彩。有花無質曰微，華多無礙曰妙，芬香周徧曰香，非同世塵曰潔。華開表寂而常照，花合表照而常寂。蓮花表自性清淨光明，蓋未證無生，生必有托，蓮花爲托質之所。

舍利弗！極樂國土，成就如是功德莊嚴。

諸經混相，今經廣陳依正，當屬彌陀國土嚴飾，願力所成，但全相歸性，性相本非二物。故信願念佛，念佛念心，古云：『若人識得心，大地無寸土。』又云：『佛號投於亂心，亂心不得不淨，明珠投於濁水，濁水不得不清。』是知持名念佛爲安定劑。又有多種功用，如受供養時，稱阿彌陀佛，表慚愧；受辱罵時，念阿彌陀佛，表忍辱，寬恕；呼名時，答阿彌陀佛，表示禮貌柔善等。

又舍利弗！彼佛國土，常作天樂，黃金爲地，晝夜六時，雨天曼陀羅華。其土眾生，常以清旦，各以衣祴，盛眾妙華，供養他方十萬億佛。卽以食時，還到本國，飯食經行。

本文申述西方淨土以色聲香味觸五塵作佛事，以妙華供佛。

天樂屬空中聲塵，表自性和融，蓋修淨業者，臨命終時，自他常可聞到天樂來迎，相反的如業障深重，亦有聞到酒臭鬼卒，持鎖鍊來捉之聲，類似情事見聞頗多，蓋臨終時，爲之助念，相當重要，以四大分散，眾苦交煎之時，每每提不起正念，倘一起貪瞋，則爲惡道之因，故須藉佛力（他力），來啓發內在之佛性，況彌陀願力，念佛往生，自會安渡中流，托質蓮臺，持名非自利，實爲化他之基。學佛者『弘法爲家務，利生爲事業』，循此目標而念佛，又豈小乘耶？黃金爲地屬色塵，表心地平等。極樂國土白天晚上——初、中、後各三時分，常降曼陀羅華——適意之花，卽色、香二塵，表自性之花，以莊嚴心地。西方淨土的眾生，常於清晨（一夜休息，攝心正念，故晨起切忌散心雜話），各以衣襟盛花——屬觸塵，離西方極樂世界經過他方十萬億的佛土（三千大千世界爲一佛所化之土），供養微妙香潔之花，於飯食頃——表味塵，卽回到極樂本土，表非來非去，並飯後經行，表定發禪悅，往返自在——以示供養自性中的佛，正所謂『不動寂場而遊鹿苑』，得意生身，受生自在，隨心如意，且爲真實現量非幻想耳，然須初地以上，破無明，顯法身，乃能如是。有三種意生（成）身：一、三昧樂正受意生身，三地至七地修空觀。二、覺法自性性意生身，八地修假觀。三、種類俱生無行作意生身，九地修中觀。『飯後百步走，睡覺不蒙首』，飯後繞佛，調身無滯，調心無逸，乃極合養生之道，又爲佛制。

舍利弗！極樂國土，成就如是功德莊嚴。

綜言前述，天樂天華，神足往返，諸般功德，莊嚴果德。且飯食經行，爲日用平淡常事，古云：『運水搬柴，無非妙用，穿衣吃飯，盡是禪機。』蓮池大師云：『拈匙放箸，口口不離，舉足動身，步步踏著。』

復次舍利弗！彼國常有種種奇妙雜色之鳥，白鶴、孔雀、鸚鵡、舍利、迦陵頻伽、共命之鳥。是諸眾鳥，晝夜六時，出和雅音，其音演暢五根、五力、七菩提分、八聖道分，如是等法。其土眾生，聞是音已，皆悉念佛、念法、念僧。

此述化禽說法。

彌陀經佛呼當機之名最多，猶吾人告誡學子晚輩或下輩仰求尊長，頻稱呼其名，促其注意或賜准，足見此經非制心一處，不易悟解，眾鳥演唱道品、三寶，是以聲塵作佛事，因眾生耳利，況對境感受不同，如云布衣暖，菜根香，青燈古磬，其樂無窮，庸俗觀之則反此。又如鳥語花香盡是廣長舌相，庸俗視之則有『打起黃鶯兒，莫叫枝上啼』之句。白鶴、孔雀、鸚鵡常見可知，舍利（春鶯，鶯鷺鳥，眼極美。如尊者舍利弗之母，因眼美而取名舍利），迦陵頻伽（美音鳥，未出殼其音已勝羣倫），共命之鳥（一鳥兩頭，識別報同，產於雪山），晝夜（花開鳥鳴爲晝，花合鳥息爲夜）各三時，合曰六時。五根——善根生信、進、念、定、慧。五力——根長惡絕，名與五根同（由根得力）。七菩提分——定慧調停（念、擇法、精進、喜、輕安、定、捨）。八正道分——道離偏行安隱中行（正見、正語、正思惟、正業、正命、正精進、正念、正定）。三十七道品，尚有四念處——修慧（觀身不淨、觀受是苦、觀心無常、觀法無我），四正勤——修精進（已生惡令斷，未生惡令不生，已生善令增長，未生善令生），四如意足——修定（欲、進、念、慧）所謂三四、二五、支七、單八，總之即戒定慧三無漏學，暨六度、十度、四無畏、四攝等，三十七道品雖小乘通大乘，大般涅槃經：『若能觀八正道，即見佛性。』攝大乘論：『道品是菩薩寶炬陀羅尼。』淨名經云：『道品是道場。』智論：『卅七品無所不攝。』鳥音演唱五根，首爲信根，以淨土三資糧，特重信心，自性變化如眾鳥義，自性能出生一切法門，是根力覺道。

西方淨土（除佛外餘皆眾生）三寶分事理，如雕鑄塑畫名佛，黃卷赤軸名法，比丘五眾爲僧，是事三寶。如云佛者覺也，法者正也，僧者淨也，是

理性三寶。如說斷見思證偏眞，更侵習氣證眞諦，斷塵沙斷十二品無明，三惑二死永斷證三德，爲四教佛寶，生滅、無生、無量、無作等四諦爲四教法寶，修析空、體空、次第、一心三觀爲四教僧寶，又法、報、應化爲四教佛寶，教理智斷爲四教法寶，三乘賢聖爲四教僧寶。

舍利弗！汝勿謂此鳥，實是罪報所生，所以者何？彼佛國土，無三惡道。舍利弗！其佛國土，尚無惡道之名，何況有實？是諸眾鳥，皆是阿彌陀佛，欲令法音宣流，變化所作。

此徵釋疑難，及化禽所由。

法藏偈：『地獄鬼畜生，皆生我剎中。』又云：『一切來生者，修習清淨行』。已失惡道名：『女及根缺，俱不生彼，一生彼國，具丈夫相』，無復女形。

無三惡道，是四十八願第一願——自性本無貪（鬼）瞋（地獄）痴（畜），無惡道之名，亦爲四十八願之一，自性本具如幻之法，故有眾鳥演唱，彌陀教主欲使眾生得四悉檀益，以鳥樹說法，又適應眾生心理，慈愍故化諸禽說法，以觸發眾生之自性三寶耳，此卽隨喜聞法願。

舍利弗！彼佛國土，微風吹動，諸寶行樹，及寶羅網，出微妙音，譬如百千種樂，同時俱作，聞是音者，自然皆生念佛、念法、念僧之心。舍利弗！其佛國土，成就如是功德莊嚴。

上文欄網行樹，池閣蓮華，華樂供養，化禽說法，及本文之風樹叶韻，均釋依報莊嚴。式闡有情無情說法之妙，前文眾鳥演唱是有情，本文風樹出微妙音是無情，合法，是自性理智交融，香巖擊竹聞聲悟道，是無情之功，故云溪聲便是廣長舌，山色無非清淨身（香巖久參『父母未生以前』句不悟，忽拋石擊竹，鏗然有聲，大悟，頌曰：『一擊忘所知，更不假修持，動容揚古路，不墮悄然機。』又聞鶯聲悟道，是有情契機（一僧參法華『諸法從本來，常自寂滅相』，不解，忽聞鶯聲大悟，頌曰：『諸法從本來，常自寂滅

相，春到百花香，黃鶯啼柳上。』

微風，是輕清柔和，不徐不疾、不寒不熱之風，非颱風、龍捲風等吹壞世界人物之風也。出微妙音，如百千種樂同時俱作者，行樹羅網盡是七寶，與微風互相叩和，自出妙音，所謂『宮商並奏，律呂克諧』，六律八音和諧交暢，讚佛福慧兩足，世界八音（金、石、絲、竹、匏、土、革、木）悅而惑。佛八音（極好、柔軟、和適、尊慧、不女、不誤、深遠、不竭）損惑增道。佛為三界導師四生慈父，法為暗路明燈，僧為修證軌範，如是功德莊嚴，指化禽風樹二種莊嚴，合法則自性般若周徧法界，是鳥（有情）樹（無情）說法義。二種莊嚴，是因中願力所成就，論頌曰：『種種雜色鳥，各各出雅音，聞者念三寶，忘相入一心。』大乘功德者，論頌曰：『大乘善根界，等無譏嫌名，女人及根缺，二乘種（聲聞、緣覺）不生。』

舍利弗！於汝意云何？彼佛何故號阿彌陀？舍利弗！彼佛光明無量，照十方國，無所障礙，是故號為阿彌陀。又舍利弗！彼佛壽命，及其人民，無量無邊阿僧祇劫，故名阿彌陀。舍利弗！阿彌陀佛，成佛以來，於今十劫。

本文釋極樂世界正報莊嚴，先徵釋萬德洪名之正主——阿彌陀佛，再釋西方極樂世界聲聞菩薩大眾之伴，上來已知彼佛號阿彌陀，未知其義，故以『於意云何』句徵釋之。

佛光即智慧，有智慧才能有光明，由萬德所成，或本願所成，有本光、智光、身光。般若云：『我於一切法無所執，故得常光一句。』法藏比丘願云：『我作佛時，頂中光明勝於日月百千萬倍。』佛於眉間、頂上、口、齒、臍、乃至足皆可放光，故『盧舍那』翻為『光明遍照』。自受用，照眞法界——智光，他受用，照大眾——身光。又法身以如理為命——本光，報身以智慧為命——智光，應身以因緣為命——身光。

故要解云，法身光明無分際，報身光明稱眞性，應身光明照一句。或千百千由旬，或十百千世界。又光明玄云：『法報應是為三，三種法聚故為

身』。『理法聚名法身，智法聚名報身，功德法聚名應身。』照十方國無所障礙者，因日光修羅可掩，鐵圍可間，四王天光分明暗，唯佛光，徹山透壁，通幽達冥。

彼佛壽命及其人民無量無邊阿僧祇劫者，佛爲法王，其人民指等覺已還，華嚴壽量品云：『娑婆一劫爲極樂一晝夜。』法藏云我作佛時，我剎中人壽命皆無央數劫，無有能計其數者，故彌陀翻無量光壽，光則橫徧十方，壽則豎窮三際，卽法界體，本覺性，經中標無量壽，是以體（壽）攝用（光）。觀經疏云『法身非壽非不壽，無始無終』，萬古常如。又云『報身一得永得，有始無終』，功滿始成。又云『報身示同生滅，有始有終』，隨機感成。其壽命則隨願隨機延促不等，自性寂而常照，卽無量光，照而常寂，卽無量壽，自力壽命，念佛念心，心淨蓮花生，不同質礙肉身，有生老病死。

阿僧祇劫晉譯爲無數，唐譯爲無央數，卽印度十大數之首（無數、無量、無邊、無等、不可數、不可稱、不可思、不可量、不可說、不可說不可說）。阿彌陀佛成佛以來於今十劫，係指報應二身，八相成道一期付機而說也，因法身清淨，本來是佛，應無量劫，法華釋迦云：我實成佛以來無量無邊劫，況彌陀耶。倘就大本彌陀經云：法藏因中，在定光佛前，五十二佛，名世自在王，法藏比丘時爲國王，捨位出家，發四十八願。今彌陀是法藏所成之佛。又法華經云：大通智勝如來時有十六國王子出家修梵行，其中第九王子於西方成佛——彌陀。悲華經說，轉輪王無諍念——彌陀，大乘方等總持經說淨命比丘——彌陀，賢劫經說，淨福報淨音王子——彌陀，又云有無限量寶音行法師等，皆爲彌陀因地行事，總之隨機感現，皆可論劫。

劫，具云劫波，云時分，有大小不同，減劫百歲，增劫八萬，一增一減合一千六百八十萬年爲一小劫，二十小劫爲一中劫，歷成住壞空四中劫，爲一大劫，合爲八十個小劫。

西方極樂世界觀音補佛位，號普光功德山王如來，國名眾寶普集莊嚴，其佛壽命正法亦復無量，大勢至補佛位，號善住功德寶王如來，總之迹行圓滿，依正主伴莊嚴具足，道成遠劫，赴機說成論劫，難定其劫數也。

又舍利弗！彼佛有無量無邊聲聞弟子，皆阿羅漢，非是算數之所能知，諸菩薩眾，亦復如是。

西方淨土，正報莊嚴，前述教主，此下再釋聲聞菩薩之伴，論言『二乘不生』，今云有聲聞者，據觀經疏『以慣習小，不久證大，終無小故』。由彼臨終發大乘心，不復再有聲聞所觀苦空無常等法，故曰『暫有』。況淨土尚容眾鳥，豈聲聞耶，因所念者，皆為佛法僧三寶也。蓋保果不前，但證人空未得法空，沈空滯寂之定性聲聞，以不信有西方，更不願生西方，自謂所作已辦，梵行已立，不受後有，對任何事物皆無興趣，故不得生。經文只說聲聞，不言緣覺者，以聲聞觀四諦悟道，緣覺修十二因緣悟道，所修諦緣之法，不過開合之不同，故舉聲聞而攝緣覺也。西方淨土，不但聲聞無量即菩薩亦復不可勝數。除定性者外，別圓初心至地盡，發大心，行大行者皆曰菩薩，回小向大之大阿羅漢，亦有自行兼人之功。

舍利弗！彼佛國土，成就如是功德莊嚴。

此結示阿彌陀佛淨土成就主伴，聖眾及光壽等正報莊嚴，悉彌陀願行所成。大本法藏願云，我作佛時，剎中菩薩神通智慧，辯才相好威神悉皆如佛。又云，爾時法藏，教化眾生，修行六度，廣修教化，致無量眾生發菩提心，此皆成致聖伴之願也，表法自性即空——聲聞眾，即假——菩薩眾，所謂『真俗二諦同出一心，賢聖三乘共宗一佛。』

又舍利弗！極樂國土，眾生生者，皆是阿鞞跋致，其中多有一生補處，其數甚多，非是算數所能知之，但可以無量無邊阿僧祇說。

此段陳述生西者大眾不退且多為上首補處。阿鞞跋致，翻不退轉，有三：
1. 位不退，藏教初果，通教見地，別教初住，圓教初信，皆斷見惑，初入聖流，不墮凡位。

2. 行不退，通教菩薩地，別教八住至十向，圓教十信，皆斷思惑，并破塵沙，恆度眾生，不墮二乘。

3. 念不退，別教初地，圓教初住，初斷無明，初見佛性，心心流入薩婆若海——一切種智如來果海。又有五緣而不退：

1. 彌陀大願。2. 佛光常照。3. 鳥水樹風皆演唱三寶法音。4. 諸上善人俱會一處。5. 壽命永劫。起信論云：『生彼國者，常見佛故，終得不退。』此經言眾生，泛指九界眾生，且包括五逆十惡，既得生已，皆悉不退，因仗他力，帶業往生，如石裝載於願船，故不沈。合法，自住常住是不退義。其國眾生，既不退轉，且多為一生進補佛位之大菩薩，即等覺大士，止此一生，示同人法，八相成道，如彌勒補釋迦，觀音補彌陀，勢至補觀音，但西方佛國眾生，其一生補處者，並非定在西方，次補佛位，所謂『往彼國中而待補處』，可徧至十方佛刹，進補佛位，華嚴僅善財一生成佛，此經多一生補處，益顯其殊勝，合法，自性決定成佛，為補處義，所謂『補則決定補，成則實不成』。

舍利弗！眾生聞者，應當發願，願生彼國，所以者何？得與如是諸上善人俱會一處。

此明無信願不生，勸願發心也。若聞持名往生之說，依正莊嚴之事，聞經佛護、不退等義，種種功德已，應當深信不疑。發願，因念佛往生仗願力，西方淨土，係願力所成，菩薩為願力受生，三世因果，是願力施為，如吾人臨終諸根皆壞，親屬、珍寶、散滅，唯願王不捨離，普賢菩薩頌曰：『願我臨欲命終時，盡除一切諸障礙，願見彼佛阿彌陀，即得往生極樂刹。』以十大願王導歸安養。又文殊發願偈：『願我命終時，滅除諸障礙，面見彌陀佛，往生極樂刹。』又馬鳴造起信論云：『若人專念西方極樂世界阿彌陀佛，所得善根，回向願求生彼世界，即得往生……』又楞伽經授龍樹記云：『有大明德比丘，號為龍樹，得初歡喜地，往生安樂國。』又智顛稱念彌陀觀音而寂，亦歸心淨土。又如永明延壽禪師，參天臺德詔國師，拈鬚三次，皆弘淨土，遂專心淨行，有閻王禮像之說。吾儕何德，尚且存疑，不持名求生西方耶！

諸上善人，人中之人，善中之善，有的人畜共居未必皆人道，雖專屬人

界，未必皆善，今云上善，更屬西方淨土之特殊。所謂『觀音勢至把手共行，文殊普賢親爲勝友。』合法，自性，萬善同歸，是俱會一處義。人類之模仿性大，故應擇境卜居。『擇不處仁，焉得知？』況出世安身立命之處也。

舍利弗！不可以少善根福德因緣，得生彼國。

往生西方須具善根——正道爲因，發菩提心。福德——助道爲緣，施、戒、忍、進、禪等。二乘善根少，凡夫無善根。觀經說，孝養父母師長曰福德。大本說，修諸功德曰福德。而觀經所言三福，將發菩提心列爲第三福德，成爲助行。實發菩提心應爲正行，立寺造像，則爲人天因果，少分福德。此經以持名爲多善根福德，如過去採薪人爲虎所逼，稱『南無佛』之善根，終得證果，再者持名卽梵行卽福德多，諸經交讚，合法，自性出生一切法是善根義，自性具足一切法是福德義。

舍利弗！若有善男子善女子，聞說阿彌陀佛，執持名號，若一日、若二日、若三日、若四日、若五日、若六日、若七日，一心不亂，其人臨命終時，阿彌陀佛與諸聖眾。現在其前，是人終時，心不顛倒，卽得往生阿彌陀佛極樂國土。

善男子或女人，通指縑素利鈍，及六道一切有緣眾生。執持名號（昏沈時出聲念，散亂時則默念，又昏沈念應身，惡念念報身，境逼念法身，有事持、理持，總之愚者易著相，智者心佛念空，念一天，或二天，三天……：乃至七日，所謂尅期取證結七念佛，念至一心不亂，平時能如是，一旦臨命終時，西方三聖卽乘願現其前，是人心不顛倒，卽可不經中陰不隔時日，如彈指頃，生極樂國，『持名不勞觀想，不必參究，不假方便，自得心開』，此『一心不亂』四字爲本經之要旨，注心一境，伏斷爲事一心，不被見思亂。見性爲理一心，不爲二邊亂。合法，自性妄窮眞露，是臨終佛現義。憨山大師云：『口念彌陀心散亂，喉嚨喊破也徒然。』但散心念佛功德亦大，未必往生。至云往生之意，古云：『生則決定生，去則實不去。』有生無往，思之可知。大勢至念佛圓通章：『憶佛念佛，現前當來，必定見佛。』（自力）

大本彌陀經，法藏發願：『若有發菩提心，修諸功德，願生我刹，我與大眾，現其人前。』（他力）因中持名一心不亂，感果佛來接引，為免業障牽纏，心生顛倒，故臨終助念，更為切要，此法文載諸經，法傳西域，且求壽念彌陀更為適宜，因彌陀為無量光無量壽也。

舍利弗！我見是利，故說此言，若有眾生，聞是說者，應當發願，生彼國土。

此文為重勸修淨業者須發大願，『彌陀垂手時時不息，釋迦慈心念念勿忘』，我見指釋迦見。利指極樂依正莊嚴，橫超三界，圓淨四土，是不可思議之上上功利也。餘行仗自力，念佛仗他力，帶業往生，不經中陰，無人胎之迷，隔陰之昏，故永明大師說：『有禪無淨土，十人九蹉路，陰境若現前，瞥爾隨他去。』又曰：『無禪有淨土，萬修萬人去。』

舍利弗！如我今者，讚歎阿彌陀佛不可思議功德之利，東方亦有阿閼鞞佛，須彌相佛，大須彌佛，須彌光佛，妙音佛，如是等恆河沙數諸佛，各於其國，出廣長舌相，徧覆三千大千世界，說誠實言，汝等眾生，當信是稱讚不可思議功德一切諸佛所護念經。

此下靈峯大師判為流通分，因六方諸佛同讚，無非勸信，勸信即流通義，承上不獨我見是利故說此言，即十方諸佛亦同見是利而讚歎。六方，唐譯為十方，如東南西北上下，義賅四維（隅）。不可思議，有五義：一、橫超三界，不俟斷惑。二、即西方橫具四土，非由漸證。三、但持佛號，不假禪觀諸方便。四、一七為期，不藉多劫多生。五、持一佛名，即為諸佛護念，故曰不可思議功德之利。合法，如起信論云：是心從本以來，離心緣相，離言說相，是故舉心即錯，動念即乖，滯句者迷，承言者喪，所謂縱饒，緘口忘機，依然墮落無記，是謂不可思議。

此淨土法門，諸佛異口同音讚歎，當諦信勿疑，東方為春屬震（動），有智慧義，為萬法之先導，應萬變而常寂，故首舉之，阿閼鞞此云不動，即

法身不動，不爲二邊所動。須彌相者，佛相無盡，如須彌山。大須彌者，上表佛相，今表佛德。須彌光者，光表佛智，顯佛智普照。妙音，卽法音圓妙，說法稱機。維摩經云：『佛以一音演說法，眾生隨類各得解』。佛立名，或取因取果，或性或相，或取所願眾德之名，故智顛釋經，少解佛名，以佛名具眾德，不可以一德稱之，佛名多，難悉舉，故暫舉五佛以賅之，故曰如是等。恆河，云菟伽河，在西域無熱池側，雪山阿耨達池流出四水，恆河在南，廣四十里，沙細如粉，佛說法，凡言數多，常取爲喻。合法，是自性智慧不可盡。廣長舌相，爲卅二相之一，口離四過，多劫口業清淨所感，凡夫三世不妄語，舌過鼻尖，藏佛證小，舌能覆面，以至髮際，今約圓佛舌相，稱性隨機大小，其音圓妙深遠，故覆大千界，三千大千世界詳如俱舍論，如前釋。合法，則自性周法界，是廣長舌相義。稱讚不可思議功德，一切諸佛所護念經，卽今小本彌陀經之原名，標示經題勸信流通，什師順此方好略譯今題，奘師譯曰稱讚淨土佛攝受經，義無增減。誠實語，如金剛經云，如來是真語者，實語者，如語者，不誑語者，不異語者，所謂『師子吼，無畏說，千聖復起不能易』。合法，則自性不變，是誠實義，自性不離是護念義。

舍利弗！南方世界有日月燈佛，名聞光佛，大燄肩佛，須彌燈佛，無量精進佛，如是等恆河沙數諸佛，各於其國，出廣長舌相，徧覆三千大千世界，說誠實言，汝等眾生，當信是稱讚不可思議功德一切諸佛所護念經。

日月燈者，約真俗中三智立名，日照晝，月照夜，燈照日月所不及，又一切智爲月，道種智爲日，一切種智爲燈。名聞光者，名稱普聞，如光遠照。大燄肩者，燄表慧，肩負眾生。須彌燈者，身光無量，如須彌山。無量精進者，不雜曰精，不退曰進，無量劫來行道，化生不息。合法，則自性光明不盡。南方爲離火，是寂而常照義。

舍利弗！西方世界有無量壽佛，無量相佛，無量幢佛，大光佛，大明佛，寶相佛，淨光佛，如是等恆河沙數諸佛，各於其國，出

廣長舌相。徧覆三千大千世界，說誠實言，汝等眾生，當信是稱讚不可思議功德一切諸佛所護念經。

無量壽者，同名彌陀，凡佛同名者甚多，非法藏比丘所成之佛，據大本說，過無量佛刹，同名釋迦牟尼者，不可勝數，或觀音師觀音如來等，則知無量壽之名不止一佛。

無量相者，佛或卅二相，或八萬八千微塵福德相好。無量幢者，內空外圓，表性空而光圓。大光大明者，光是體，明是用。寶相者，相好如寶。淨光者，佛光清淨。今略舉七佛，餘以等字賅之。

舍利弗！北方世界有斂肩佛，最勝音佛，難沮佛，日生佛，網明佛，如是等恆河沙數諸佛，各於其國，出廣長舌相，徧覆三千大千世界，說誠實言，汝等眾生，當信是稱讚不可思議功德一切諸佛所護念經。

斂肩者，如前解。最勝音者，四辯八音，無能及之，如目連欲窮佛音不可得。難沮者，沮是水名，壞也，佛德堅密難蕩滅。日生者，陽光生長萬物，如佛令眾生長智慧。網明者，智如珠網，徧照眾生。合法則自性含攝萬法，北方如冬藏，『百千法門，同歸方寸，無邊德用，總在心源』。

舍利弗！下方世界有師子佛，名聞佛，名光佛，達摩佛，法幢佛，持法佛，如是等恆河沙數諸佛，各於其國，出廣長舌相，徧覆三千大千世界，說誠實言，汝等眾生，當信是稱讚不可思議功德一切諸佛所護念經。

此界下有金、水、風、空各輪所持世界。師子者，師子伏羣獸，喻如來說法，魔外降伏。名聞名光如前釋。達摩翻法。法幢者，法如幢，人天仰之，邪外伏之。持法者，執持中道。

舍利弗！上方世界有梵音佛，宿王佛，香上佛，香光佛，大斂肩佛，雜色寶華嚴身佛，娑羅樹王佛，寶華德佛，見一切義佛，如須彌山佛，如是等恆河沙數諸佛，各於其國，出廣長舌相，徧覆三千大千世界，說誠實言，汝等眾生，當信是稱讚不可思議功德一切諸佛所護念經。

三界極頂，非非想天上復有上界空、風、火、金、水等輪，及四州大地，人間天上重重無盡。梵音者，卽德淨妙音。宿王者，月爲星宿之王，佛爲法中之王。香光者，五分法身香，無上妙諦，表斷智二德。大斂肩釋義如前。雜色寶華嚴身者，卽萬行因華，莊嚴法身。娑羅樹者，娑羅、樹名，翻堅固，歲寒不凋，表佛法身，惑不能搖，境不能動。寶華德者，佛四德如寶華。見一切義者，佛智圓見圓知。如須彌山者，山高表佛德。六方佛共讚，亦是佛陀本願，大本法藏願云『我作佛時，名聞十方，無央數世界，諸佛各於大眾之中，稱我功德，及與國土等』。六方佛讚淨土，勢至念佛，雖不入圓通之選，但逗十方六道之機（本云地獄鬼畜生亦生我剎中），觀音耳根僅逗此方人道之機。六祖慧能不隨佛讚，因晉宋以來，競禪單傳，甚至有念佛一聲，洗禪堂三天，奪理廢事之嫌者。況六祖似毀實讚，東西之說，祇是勸人，實心爲善，空願無益，且壇經所記，西方去此十萬八千里，誤指天竺爲極樂也。

舍利弗！於汝意云何，何故名爲一切諸佛所護念經？舍利弗！若有善男子善女人，聞是經受持者，及聞諸佛名者，是諸善男子善女人，皆爲一切諸佛之所護念，皆得不退轉於阿耨多羅三藐三菩提。是故舍利弗，汝等皆當信受我語，及諸佛所說。

此文徵釋經題，本經原名稱讚不可思議功德諸佛所護念經，十六字經題僅徵釋下八字，以不可思議功德釋迦已讚，下八字爲六方佛讚，佛云何護，云何念，義彰理明，方克奉行堅信無疑也。

聞是經受持者，卽三慧三資糧。聞是聞慧，信也。受是思慧，願也。持

是修慧，行也。人身難得，佛法難聞，故大本偈云：『若不往昔修福慧，於此正法不能聞。』又華嚴偈云『寧受地獄苦，得聞諸佛名，不願生天中，而不聞佛名。』得聞是經，及聞佛名，受之持之，由信願行之，卽爲諸佛護之念之。阿耨多羅三藐三菩提，阿云無，耨多羅云上，三藐云正等，三菩提云正覺，法藏願云：『聞我名已，於阿耨多羅三藐三菩提，有退轉者，不取正覺。』

信而不受，猶未信也，故信願往生爲一經之要旨，法藏願云：『至心信樂，欲生我刹，十念必生，惟除五逆，誹謗正法（不信）。』文殊般若經亦云：『惟除不信，心常憶佛，口常稱佛，身常敬佛始名深信。』

舍利弗！若有人已發願，今發願，當發願，欲生阿彌陀佛國者，是諸人等，皆得不退轉於阿耨多羅三藐三菩提，於彼國土，若已生，若今生，若當生。是故舍利弗，諸善男子善女人，若有信者，應當發願，生彼國土。

此明求生淨土須發願，已發願（過去）則已生，今發願（現在）則今生，當發願（未來）則當生，實在一念相應一念生，念念相應念念生，不俟報盡方生也。三心不可得，自性非去非來，所謂『滄溟納百川而不溢，明鏡含萬象而有餘。』

舍利弗！如我今者，稱讚諸佛不可思議功德，彼諸佛等亦稱讚我不可思議功德。而作是言：釋迦牟尼佛能爲甚難希有之事，能於娑婆國土，五濁惡世，劫濁、見濁、煩惱濁、眾生濁、命濁中，得阿耨多羅三藐三菩提，爲諸眾生，說是一切世間難信之法。

此爲釋迦、諸佛互讚以勸行。

華嚴頌云：『十方諸如來，同共一法身，一身一智慧，力無畏亦然。』則彌陀卽諸佛，諸佛卽彌陀，故不云彌陀只云諸佛，義賅佛陀也。

此淨土法門，釋迦讚於祇園，諸佛讚於六方，佛佛互讚，決應信受。釋

迦云能仁，牟尼云寂默，能仁是大悲利物，牟尼是大智冥理，佛之全德攝無不盡。

於五濁成菩提，於五濁說淨土，是為甚難希有。要解云：『諸佛功德智慧雖皆平等，而施化有難易。』淨土成菩提說法易，濁世則難，淨土說橫超頓修易，濁世說無藉劬勞，但持名號則難。五濁者，譬如清水（喻真性）投入沙土（喻煩惱），土失留礙，水亡清潔，汨然渾濁，若復本原真性，如澄濁水，靜深不動，沙土自沈，清水現前名為初伏客塵煩惱，去泥純水，名為永斷根本無明，今淨土法門，豈他行可比，故釋迦、諸佛交讚。娑婆云堪忍，為釋迦所化大千佛土，眾生於中，堪能忍受三毒煩惱，輪迴生死，不厭出離。

五濁者，一、劫濁，無別體，以後四濁得名，眾濁交湊為相，成住壞空二十小劫為一大劫，人壽增至八萬歲，再百年減一歲，減至二萬即入劫濁。二、見濁，五利使為體，渾亂真性曰濁，（一）身見，執我我所。（二）邊見，執斷常失中道。（三）戒取，非因計因，修諸苦行。（四）見取，執粗為勝，自負所見。（五）邪見，撥無因果，起邪外不正之見，能使眾生趨入生死。三、煩惱濁，以五鈍使為體，三災感召為相，（一）貪，對順境貪著不捨。（二）瞋，遇違境起瞋恚不能容忍。（三）痴，於非違非順境不能察覺。（四）慢，於一切眾生起驕傲。（五）疑，於諸善法起猜疑心，不能決心，亦能使人趨於生死，較利稍鈍。四、眾生濁，眾處受生，眾緣和合而生，攬眾陰而生，劫初光音下生，曰眾生、惡名穢稱為相。五、命濁，以色心壽煖識連持為體，催年減壽為相，人生五濁惡世，外有時勢逼惱，內則惑障縈纏，命存呼吸，能持戒修福為人不易，修諦緣為二乘更難，斷五住超二死，證菩提，實乃難中之難。

在濁世中，成佛不易，說淨土持名難信之法更難，金剛般若云，聞說此經，心即狂亂，狐疑不信，而以大驚不怖不畏（能信）為希有，此淨土法，未聞佛宣不知啟請，則萬古永同長夜，吾人何得念佛求生，但一歷耳根永為道種，故雖為散心持名，經種、熟、脫，亦為求生之因種。

舍利弗！當知我於五濁惡世，行此難事，得阿耨多羅三藐三菩提，爲一切世間說此難信之法，是爲甚難。

此則反覆叮嚀，婆心之切也。濁世眾生剛強難伏，信心不堅不恆，所謂五分鐘熱度，發願難持久，且難以接受平淡易行，而又最圓最妙之淨土法門，雖彌陀垂手，機不感，佛難應，故佛出濁世，證菩提，說妙法，爲二難耳。法華經云：『手擲須彌，足動大千，皆未爲難，能於惡世，說法華經，是則爲難。』

今經難說，亦復如是，故佛再三強調以信願行三資糧爲求生必備之條件，且須福慧雙修，正助并行，思之可知。

佛說此經已，舍利弗及諸比丘，一切世間天人阿修羅等，聞佛所說，歡喜信受，作禮而去。

經首有三眾（聲聞、菩薩、人天）聽法，經終結明受法，身子爲當機，比丘攝菩薩，人天修羅等，泛指八部六道，聞而信卽信資糧，聞慧也。信而受卽願資糧，思慧也。受而去卽行資糧，修慧也。無上甚深微妙法，我今見聞得受持，故歡喜。聞佛所說而仰慕，爲世界悉檀，聞佛所說而信願，爲爲人悉檀，聞佛所說欣上厭下而持名是對治悉檀，聞佛所說悟能念所念空寂，是第一義悉檀。

無問自說，知機應時，其法難思，其利莫測，大本云：『當來之世，經道滅盡，我以慈悲特留此經百歲，眾生得遇無不得度……』法藏經云：

『爾時首楞嚴經先滅，以次諸經，皆悉滅盡，獨留無量壽經（淨土三經，文有繁簡，義無勝劣）度諸眾生。諸經悉滅此經獨存。』足證念佛一門，蒙六方佛讚，其不可思議處卽在此。吾人學佛，隨眾起倒，運水搬柴，是皆佛教，但必須常念生死事大，無常迅速，一失人身，萬劫難復，不由今生成辦，更待何身。蓋法門雖是殊途同歸，亦須選與自己適宜之行門，做爲看家本錢，庶不致臨終時都無是處，持六字洪名，因句短，不易起妄念，無暇分別，倘坐禪不妨以念佛爲內容，所謂禪淨雙修者是。沉真禪者，行住坐臥，迎賓送

客，皆可制心於一境，持名更是晝夜六時不間斷，念佛念心，心佛眾生，打成一片。猶有晉者，行人最要緊是生死關頭，只要臨終正念昭彰，心不顛倒，佛願已願相應，佛必親來迎接。當知魔爲投人所好，可化佛來迎，化佛無光，與其他道互爭眷屬。倘真佛蒞臨，放光遍照，餘界皆隱，此亦識別之重點。



日期：二〇一一年十二月十七日

版本：2011.12.17

網址：<http://www.forlong.us>

